


लईका मन बर बाईबिल
प्रस्तुत करत हवे।

पौलुस के
बिचित्र
यातरा



लिखे गए हवे। : Edward Hughes
उत्साह बढ़ै गए हवे। : Janie Forest
चयन करे गए हवे। : Ruth Klassen
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।





पौलुस अउ सीलास, यी ङु के
सेवक, जेल म रहिन नई,
ओमन कुछु गलत नई करे
रहिन—ओमन खाली एकठन
माइ लोगन के भीतरी ले दुस्ट
आतमा ला बाहिर निकाले रहिन।
ओमन फिलिप्पी में मूरति पुजोइया
ला—सच्चा
भगवान अउ
ओखर बेटा
यी ङु के सक्ती
के बारे म मनखे
मन ला बताइन।



खाली अतकीच बर ओमन
गिरबदार कर लिन। ओमन
उपर मार परिस, अउ जेल
म डार दे गए रहिस।







आपमन भरोसा करिहा कि
पौलुस अउ सीलास गुससा
म अउ करूवाहट मे होही
लेकिन नई, ओमन अइसनेहे
नई करिन। ऐखर बलदा
आधा रथिया मा भगवान के
बिनती के भजन गात रहिन।
अलगा सबो कइदी अउ
जेलर ओला सुनिन।



अचानक, गाना हा बंद गो गइस। भगवान हा जेल ला हलाए बर
एकठी भुईडोल भेजिस। सबो फइरका खुल गिस सब्बो झन के
संकरी खुल गिस।







ओहो—ओहो! जेलर ला बिसवास रहिस
कि जम्मो कइदी इ हलचल म भाग गिन
होंही। जदि एकोझन घलो भाग जातिन
त, जेलर ला मउत के घाट उतारे
बर होतिस। दुख के गोठ हे,
निसहाय जेलर हा अपन
तरवार बाहिर खींच के
निकालिस। ओहा बाहचें
मन ला मारतिस अउ
फेर अपन ला मार के
अपन आप ला खतम
कर सकत रहिस।



लेकिन पौलुस हा कहिस, “हमन
जम्मों ईहा हावन, अपन आप ला
कोन्हो नकसान इन पहुंचाव।”


जब जेलर हा ओमन ला
देखिस त कहिस, “मालिक,
उद्दार पाए बर मय हा काए
करव ?” तब तेउन मन कहिन,
“परभु यी जु मसीह उपर बिसवास
कर, त तय अउ तोर घराना
उद्दार पाहि।” आनंद ले,
जेलर हा गरहन करिस।





आघु दिन तेउन मन ला
छोड़ दिये गइस, पौलुस
अउ सीलास यी ङु के बारे
म मनखे मन बतात कतेक
अलगा शहर के यातरा
करिन। कुछु मनखे मन
उंकर उपर बिसवास करिन
पर आन मन ओमन ला
चोट पहुँचाय के कोशिश
करिन।







लेकिन भगवान ओखर
सेवक मन के संग म
रहिस। एकठी रथिया
पौलुस हा घंटो परचार
करिस। एक ठन खुल्ला
खिड़की उपर बइठे एक
ठन जवनहा सुत गिस।
का आप मन अनुमान
लगाए सकत हव, का
होईस होही?




जम्मो झन जानत रहिन
कि जवनहा हा मर चुकए
रहिस लेकिन पौलुस खाल्हे
म मिस अउ ये कहिके
ओला गला म लगा लिस,
“तेउनकर जीनगी ओखर
म हे।” ओ जवनहा म झट
के जीनगी लानिस अउ
ओमन अब्बड़ खुस रहिन।



यूरोप म यातरा के बेला पौलुस अउ सीलास कतेक कारस्तानी करिन। सबले बड़खा घटना तब होईस जब पैलुस एक ठन जहाज म रहिस। ये हा स्टील के समुंदर के जहाज म ले नई रहिस, लेकिन ओमन तालपतरी डोंगी रहिस जेन, तूफानी मउसम म आराम ले टुट जात रहिस।





पौलुस
जहाज

म रहिस काबरकि योहा फेर ले गिरबदार कर ले रहिस । अब ओहा रोम, दुनिया के राजधानी म समराट के आघु पेस होवइया रहिन । जोर के हवा हा जहाज ला धीरे कर दिस । अइसन जान परत रहिस कि तूफानी मउसम आघु संगत रहिस । येहा पौलुस दुसर कइदी मन अउ खेवइया दल बर एकठन कठिन यातरा रहिस ।



“हे पुरुष मन, मय इ यातरा ला दुख के संग म
सीरात देखत हव” पौलुस हा चेताइस । लेकिन
कपतान हा नई सुनिस । समुंदर के भीतरी म
उमन चलए गइन । एक ठन अब्बड़ बड़खा
गरा—धुंका हा ओमन ला छेंक दारिस,
ओमन इ आसा ले जहाज
ला नीक ले डोरी ले बाँध
देईन: ओहा जहाज ला
टुटे ले बचाही । जदि
जहाज टुटत हे त,


जम्मो झन बर

पानी हा एक ठन समसान घाट रहिस ।




जहाज टुटए बाला रहिस, तभे कपतान हा जम्मो इन ला आदेश
दिस कि जहाज ला हलका करए बर सबो मदद करव ।


तीसर दिन, ओमन जहाज म ले सबो
कुछु ला फेंक दिन । इ आसा ले
कि हो सकत
हे ओमन ला
ऐखर ले मदद
मिलही ।




रथिया के बेरा, पौलुस के लकठा म ठाढ़े एक
ठिन दुत हा बताइस की जम्मो कुछु बने हो
जाहि। पौलुस हा जब आन मन ला बता के
उतसाहित करिस तब ओमन के जी हर हाय
करिस।




“पुरुष मन अपन करेजा ला थाम लेवा, मय
हा भगवान म बिसवास करथव अउ जइसन
मोला बताए गए रहिस वइसनेच होए वाला
हे।” जबकि, हमन ला झटेच के एकठी ठीकेच
दीप म टिकए बर
चलाए के चाहि।




कुछु दिन पाछु डोंगी मालटा के दीप के लकठा म रूकवा दिये
गईस। ओहा पथरईला छिछरा पानी म दुरघटनागरस्त हो गईस
अउ टुट के अलगा-अलगा हो गईस। बसले आघु
कपतान हा तउरेवाला मन ला पानी म कुद के
टापु तक जाए के आदेश दिस, अउ मन
सुरक्षित रूप ले जहाज के टुटहा टुकड़ा
दवारा अउ कुछु बोट म भाग गईन।



माल्टा म भगवान हा अपन सक्ती
देखाईस। जब ओ मन आगि बर
लकरी ला सकेल के जलाइन, एक
ठिन सांप हा पौलुस ला चाब दिस।
मनखे मन गुनत रहिन कि ओहा मर
जाहि। लेकिन सांप के काटए ले
ओला कोन्हों नकसान
नई होवय।



तब मनखे मन गुनिन की पौलुस हा
एकठी देवता हे। अब्बड़ अकन बेमार
मनखे आइन, अउ पौलुस हा ओखर
बर पराथना करिस, अउ ओखर
पाछु भगवान हा ओमन ला
चंगा करिस।



अंत म, पौलुस रोम म पहुंचिस। ओखर अदालत म मामला के सुनवाई
बर दु बछर कर बेरा लग गईस। उ बेराच, पौलुस एकठी घर किराए
म लिस अउ अब्बड़ अकन अवइया मन ला परापत करत रहिस।

आप मन का जानत हव कि पौलुस अपन अवइया मन ला का बतात

रहिस? भगवान के राज के बारे

म! परभु यी तु मसीह के बारे

म। पौलुस अब रोम म

भगवान कर सेवक रहिस

जइसन ओहा ओखर

सबो दुसर यातरा

के बेरा म रहिस।



पौलुस हा रोम म ले लिखिस, “मय हा नींक कुस्ती लड़े हव, मय हा दउड़ सिरा हव मय अपन बिसवास बनाए रखए हव।” बाइबिल हा ओखर जीनगी के बारे म हमन ला नई बताथ हे, लेकिन दुसर पुस्तक ले पता चलथे कि पौलुस ला समराट नीरो के आदेश ले रोम म मउत के सजा दे गए

रहिस। भगवान के

एकठन बफादार

सेवक यी जु


मसीह के बारे म

दुसर ला बतात

रहिके—जिइस अउ

ओखर मउत हो

गिस।



पौलुस के बिचित्र यातरा

इ कथा हर भगवान के बचन के द्वारा एक ठी बाईबिल


पाए जाथे ।

परेरितों के काम 16, 27, 28

"आप मन कर बानी हर एला अंजोर देथे ।"

भजन संहिता ११९ : १३०





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

